

**NAMIBIA SENIOR SECONDARY CERTIFICATE**

**FIRST LANGUAGE OSHINDONGA ORDINARY LEVEL 4106/1**

PAPER 1 Reading and Directed Writing

2 hours 30 minutes

Marks 70

2019

Additional Materials: Answer Book

**INSTRUCTIONS AND INFORMATION TO CANDIDATES**

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **all** questions.
- Pay attention to spelling, punctuation and sentence structure.
- The number of marks is given in brackets [ ] at the end of each question or part question.

**OMALOMBWELO NOMAUYELELE KAALONGWA**

- Nyola omayamukulo goye mEmbo lyOmayamukulo ndyoka wa pewa.
- Nyola Onomola yOsenda, Onomola yEkonakono nEdhina lyoye kEmbo lyoye lyOmayamukulo.
- Nyola nopena ombulawu nenge onduudhe.
- Ino longitha okadhimitho komeya.
- Yamukula omapulo **agehe**.
- Kotokela esipelo lyiitya, elongithonawa lyiileshitho netungo lyomatumbulo.
- Omwaalu gwiitsa ogwa gandjwa miikondekithombine [ ] konima yepulo kehe nenge yoshitopolwa shepulo.

This document consists of **6** printed pages and **2** blank pages.



Republic of Namibia

**MINISTRY OF EDUCATION, ARTS AND CULTURE**

## OSHIPOPOLWA A

Lesha okahokololo taka landula mpaka, e to yamukula omapulo taga ka pulwa.

### Okaleshwa 1

#### Okutembukila kAafrika kiilongo yokUuninginino emanepo lefimbo

lilando yaEuropa ngashingeyi oya ninga omalukalwa gaalongwa dhingi yomiiputudhilo yopombanda taya longo ongaatonateli yomaliko. Aasitagongalo otaa thigi po aakwanegongalo yawo ye li mengwangwano ya ka ninge aahingi yootexi miilando yaEuropa. Aalandithi yomomapandanda otaya thigi po uutala ya ka ninge aaopaleki miilando yaEuropa.

Oshike tashi eta omukalondjigilile gomatembu ngaka?

Omumvo kehe Aafrika omayovi onkene ngaa taa ningi wa umbumba ku yaha, taa kambadhala okukonga uuhupilo uhwepo miilando yaEuropa. Shi yemateka unene, aasamane taya thigi po aakulukadhi naanona yawo taa mono iihuna ya ka konge omahupilo. Aasamane mboka ihaa longo, oya thigilwa uunona tawu si ondjala sho aakulukadhi ya shuukile kiilando yaEuropa ya ka konge iimaliwa yaEuropa mbyoka yi na ongushu.

Ongaavali otu na tuu uuthemba okuthiga po aanona yetu yaa li metonatelo nokutaaguluka iilongo tu ka konge uuyuni womagadhi nomahini taga kunguluka? Kashi li pauyuuki. Otu li muuyuni wa vundakana, waa na uuthikepamwe paliko, nowokwiiyambapaleka. Onkene oyendji oya tokola okukutha oonkatu dhokwiihupula, nokwiitula moshiponga nomomaupyakadhi, nomuuthigona nosho wo euvonayi moonkambadhala dhokwiininga aayeni, ya tameka onkalamwenyo ompe muundjendi nomoonkalo dha yaga kegonga moka ye na okulonga nuudhiginini shi vulithe aakalimo yomoshilongo moka ye li opo ya hupe.

Omahupilo menenevi lyaAfrika sho ga tameke taga ende taga shongola, pehala aAfrika ya kuthe ombinga momahololo, oya kutha oopaspota dhawo e taya ningi shi tike shi ye. Uushili wiipwaendo mbika osho we ya puuyelee. Yamwe yOmaafrika opo ya thike koEuropa, oye na okutagaaluka ombuga yaMorroco ndjoka ya nika oshiponga.

Aanelago, ohaya iyadha moCeuta ekololo lyaSpain li li komunkulofuta gwaMorroco. MoCeuta ohaya kwatwa po e taa ikalekelwa ya tegelela ya pangulilwe okuya moSpain shaa li paveta. Omasipa gaanamupya ngoka inaga monika ga ka fumvikwe, ohaga thigala kohi yefuta lyaMediterranean. Aatembuki, aapampadhali naayihupuli kutya ne omatompelo gawo ogenipo otaya yi kiita nondayi. Oya pumbwa oowino, omalalakano, omukumo, nomatokolo ya dhimbwe onakuziwa, yo ya taalele onakuyiwa.

Gwonale okwa tile “oshithi ohashi landula ompadhi”, moomvula dhonale Aafrika oyendji oya tembukile koEuropa nelalakano lyokwiilonga. Ngashingeyi Aafrika otaya tembukile koEuropa nelalakano lyokwiimonena ooeuro. Poompito dhimwe Aafrika oyendji oya hilwa nokukutha edhiladhilo lyokuya koEuropa opo ya ka longe nokugongela iimaliwa ya gwana ya hwepopeke oonkalo kiilongo yawo. Oshimaliwa kashi na onkuluntu, ohashi nana kehe gumwe muuyuni kashi na nee kutya ogolwaala luni nenge okuthike peni.

ligwana mbika yaatembuki yanakanena, oyo tayi mono omauwanawa sho uuyuni wetu wa ningi okamukunda kamwe. Muule woowili 36 sho ya thiki miilando yaEuropa, ohashi vulika ya mone iilonga yuuyakuli mohotela yombanda. Nande haa longele oondjambi oonshona, aayakuli mbaka otaya ulike kutya oshipu oku shi pondola miilando yaEuropa shi vulithe miilando, moondolopa nenge momikunda dhomuAfrika.

Otashi sitha uunye, sho pe na okwaaувombili mokati kaEuropa sha etithwa keyopombanda lyomatembu gaa li paveta unene tuu oku shi talela maatembuki mboka ye na omalalakano ga ngambekwa. Aaeuropa ye li moluhepo naamboka yaa na iilonga, otaa gandja uusama keyindjipalo lyomatembu onga osho tashi ya etele omaupyakadhi moonkalamwenyo dhawo. Aaeuropa yamwepo yomongundu yeliko lyopokati, ohaa takele omunwe aatembuki Aafrika aakwanaluhepo noye wete oyo taa eta eyindjipalo lyomiyonena momidhongoloko dhawo.

lilongo oyindji yaEuropa, otayi tula po omilandu dhomatembu dha yaga kegonga dhokushololitha oongundu dhaatembuki Aafrika taa kongo uuhupilo yaa ye moEuropa. Yimwe yomiilongo yaEuropa hoka kwa tameka ehumokomeho, okuza ngaa kokantuntu kaCeuta komunkulofuta gwaMorroco osho wo uuntuntu owindji waNorway, otaa kambadhala okwiigamena mokusutula po omalugumbo goondhalate oombali, oolamba hadhi tema komuzizimba nuuthano woTV.

(Adapted opinion piece by Taju Tijari, a member of the Editorial Board of National Daily, a weekly paper published in Lagos.)

- 1 Yamukula omapulo gomu 1 (a) sigo (c) mokunyola owala ondanda yeyamukulo lyomondjila. Ngaashi: (a) A
- (a) Omunyoli ota dhiladhila kutya etembu ohali eta unene omuyonena ...
- A komahupilo gopashigwana.
  - B komalongoitaalo.
  - C komilandu dhelongo.
  - D koonkalonawa momagumbo. [1]
- (b) Omunyoli okwa tengeneke kutya aantu ohaa tembuka oshoka oya kala ...
- A miigwana opo tayi putuka.
  - B miilongo yuukayamukulwa.
  - C moonkalo dha yaga kegonga.
  - D muuyuni waa na uuyuuki. [1]
- (c) Okaleshwa oka thaneke kutya aatembuki ohaa mono omauwanawa oshoka ...
- A ihaa kala we komikunda.
  - B oyendji otaa vulu okushuna komagumbo.
  - C yamwe ohaye shi pondola mbala.
  - D yamwe ohaa yambapala ye vulithe aEuropa oyendji. [1]
- (d) Omunyoli okwa hala okutya ngiini sho ta ti “Aafrika oya kutha oopaspota dhawo e taya ningi shi tike shi ye pehala ya kuthe ombinga momahogololo”? Gandja iitsa **itatu**. [3]
- (e) Omunyoli okwa hala oku tu lombwela shike moshitumbula shika? “Otaa yi kiita nondayi.” Shi yelitha **niitya yoye mwene** to gandja iitsa **iyali**. [2]
- (f) Fatulula okambweenga ka longithwa komunyoli mokatendo okatihetatu. Gandja iitsa **iyali**. [2]
- [10]**

- 2 Ngoye ongomunambelewa mombelewa yikwameni yoshilongo ho ungaunga nomayethelo gaatalelipo noonakuya moshilongo. Owi inekelelwa wu ka popithe aagundjuka puyimwe yomoosikola nenge poshinyanga shaayehe momudhingoloko gweni. Nyola oshipopiwa wu ya tseyithile nkene shi li sha ninga oshiponga okutembukila kiilonga yaEuropa.

Moshipopiwa shoye yelitha nkene aatembuki Aafrika

- yi idhina yo yene
- yi ininga aayeni/aakwiilongo
- yi itula moshiponga

Longitha uuyeleele wa za mokaleshwa kotango moshipopiwa shoye.

Uule woshipopiwa shoye nawu kale pokati kiitya **200 – 250**.

**[20]**

## OSHIPOPOLWA B

Lesha okahokololo taka landula mpaka, e to yamukula omapulo taga ka pulwa.

### Okaleshwa 2

#### Ehokololo lyomunyasha Omuafrika a tembekile moEuropa

Omunyasha Ahmedu okwa thikile moSicily momasiku gahugunina gokufu komumvo 2014. Ahmedu Jalo a zile koGambia okwa li e na omimvo 16 sho a thika metulilosikepa lyaCatania moSicily konima yolweendo lomvula noomwedhi mbali. Ngepathimo lyeho, aanambelewa oye mu kutha uuthemba we nesimano lye, sho ye mu tula mongundu yaamboka ye ya moshilongo shaa li paveta. Mokukala mongundu moka okwa li e li momalimbililo. Okwa li e li kondje yooveta nomilandu dhopankalathano dha tambulwa ko moEuropa. Ngashingeyi aanambelewa aanandjungu otaa kambadhala kehe shimwe taa vulu opo ye mu ikalekele kaa ye mumwe naakwashigwana yaEuropa, manga taa longekidha oku mu shunitha kuAfrika.

Konima ashike sho a thiki moEuropa, omapandaanda gaCatania, shoka shi li oshilando oshitiyali muunene moSicily, oga ningi egumbo lye. Okwa li kwa talala, ye ka li e na iikutu yuutalala. Okwa kala ha hadha iikulya metoto lyiyagana nokunwa omeya ogendji ngaashi tashi vulika opo i ikeelele kondjala. Okonyala uutala wu mwine ko omeya, shalongo pwa li omuSicilia omunamutimahenda ngoka e mu pe uuyeleele kombinga yoMosque yopokatilela (ongeleka yaaMosilema) ndjoka ya li hayi gandja omalukalwa gopakathimbo.

KoMosque hoka oko nee twa tsakanena naAhmedu konima yomasiku omashona lela. Omukwatelikomesho gomagalikano moMosque ngoka e li Omuarab, omunamikalo nomunambili okwe ende natse noku tu ulukila metungo. Ngaashi naana aatembuki yakwawo mboka a adha mo, ye li moompumbwe dhi ili nodhi ili, Ahmedu okwa li ta kwathele nokuoapaleka moMosque ongomukalo gokugandja olupandu lwe. Ope na sha shimwe muye shoka sha guma ndje. Omumati goshuuluko mokwiihumbata kwe. Olweendo lwe olule okuza kegumbo inalu teya po engungumano neyinekelomwene muye. Nonando a li monkalo ondhigu, ye a zala iikutu yiinyakwi ya hehelwa, Ahmedu okwa thikama e na oshikombe meke a fa omukwiita a humbata egonga. Onda yi e tandi popi naye. Okwa li ta monika ina mangulukila ndje ye a fa a tila okupopya nangame. Sho nde mu pula edhina lye, okwe li tumbula onga ta yamukula omunambelewa. Neyimemeha onda ti, ngoye ombushandje, "tse yamwe". Okwi imemaha nokaningilliamo.

Mengungumano lye, onda koneke kutya Ahmedu omulumentu guukwatya wi ikalekelwa noku na ehokololo tali hokitha notali nywitha omatsi. Onda tokola ndi mu pulapule ihe okwa thigi po ehala konima owala lyethimbo efupi. Sho twa ka galuka esiku lya landula, otwa li twa limbililwa ngele otatu ke mu mona tuu. Manga tatu dhiladhila okuthiga po po ehala, ombadhilila okwa holoka ishewe. Ahmedu ka li a hala okupopya nawa. Aatembukilimo shaa li paveta, oya koneka nawa kutya okupopya naantu yaa ya shi, otashi vulu oku ya etela uupyakadhi. Nonando ongawo, otwa pula komeho. Otwa tameke omapulapulo getu nonando Ahmedu a li ina manguluka nawa, oye a li omudhaninkandangala. Omuwiliki gomagalikano moMosque naye omo a li ye ha zi po ngaa ta ka yamukula ongodhi, ye ta tala kowili ye meholamo, a fa kee uvite ko naanaa kutya oshike tashi hadhwahadhwa mokamati okagundjuka.

Ahmedu okwa ti oye osheeli shaavali, oye etumba lyaakuluntu ye, oku na aamwayina yane. Okwa li e na omukumo gokulonga nuudhiginini, a yambapale ye hanganithe aakuluntu ye mboka ya adhika ya topoka nokukwathela wo aamwayina. "Onda hala okwaadha omalalakano gandje nokunyanyudha yaandjetu" Ahmedu ta ti.

He okwe mu laleka nawa ndele ta yi molweendo luupongo kee na oombapila dhuuthemba nenge iimaliwa opo a vule okweendaenda muAfrika okupitila muSenegal, Mali, Burkina Faso, Niger naLibya. Ahmedu ota dhimbulukwa omathimbo omadhigu a tsakaneka molweendo lwe, sho a li a tulwa modholongo kaapolisi yaa na uuyuuki nuuwehame wu uvite molutu lwe molwondjala. Omathimbo ogendji okwa li ashike ha hupu mokunwa omeya. Mpoka sha li tashi vulika, okwa li ha mono iilonga yopakathimbo ongomukwatheli mokakululilo, omulandithi gomeya momapandaanda, nenge a yakule mokutopola iikulya mokefe yiikulya i imonene oshimaliwa sha gwana oku mu thikitha kehala lya landula ko. Okwa kala ta hupu shokadhila, kee shi naanaa kutya uunake ta ka tsikila nolweendo lwe oku ka thika koEuropa hoka a hala.

Okwa dhimbulukwa nawa oshinenenima molweendo lwe, sho ya li ya thinikwa mumwe yethike lopethele mokawato komunkulofuta gokuumbangalantu waAfrika moka konyala ya si omeya. Aafaalelwa oya li ya thinda koEurope yaa na iimaliwa noombapila dhomauthemba. Kaya li ye na sha shilwe shaa shi okwiitungila uugumbo mombepo mboka omuyendanandjila kehe ha kala nawo komutima. Omeya oga li ga pumba niikulya oya li ya nika omahooli. Ahmedu okwe ehama. Konima yokathimbo okawato oka tameke taka ningi uumbululu mboka wa tameke tawu ethele mo omeya kashona nakashona. Afaalelwa oya lombwelwa ya longithe uukende wawo womeya opo ya tape mo omeya okawato kaa ningine. A sa uutalala, ondjala, ye a ngwangwana kee shi mpoka e li, Ahmedu okwa hupithwa kaanambelewa yokomunkulofuta gwaltaly nokwi iyadha muSicily.

Sho nde mu pula kutya oshike she mu tsa omukumo a ye komeho noonkambadhala dhe, okwa tumbula kutya eitaalo na unene ondjodhi ye yoku ka kwathela yaandjawa nokuhanganitha aavali ye.

Paushili nee wo wene, Europa okwa a dhika nale a taalelwa komukundu omunene gomangathithi gaatembukili mboka taa ya mo pwaa na oluthuwo. Omukundu nguka otagu indjipala esiku nesiku moku shi talela komakuyunguto muAfrika ngoka ogo ge li osheetithi oshinene shomatembu ngaka noitaga ulike nando eshunopevi. Nakutulwe miilonga omulandu gomeendelelo tagu kalelele, gu na uuningilo gokugamena aantu. Okweetha aantu ya sile mefuta lyaMediterranean nenge oku ya etha ya se ondjala yo ya kale momapandaanda kashi shi ekandulopo lyomukundu.

(Adapted from an article by Akbar Ahmed, Ibn Khaldun Chair of Islamic Studies, American University, Washington, D.C., The Islamic Monthly, February 20, 2015.)

- 3** Ngonga omategameno nomamono giikhuna ga tsakanekwa kaAfrika mboka ya yi koEuropa ngaashi sha hokololwa muuleshwa mbuka uyali. Longitha uuyeleele wa za muuleshwa awuhe meyamukulo lyoye.

Engongo lyoye nali kale lyuule wiitya **200 – 250**.

**[20]**

- 4** Ngeno ongoye ne Ahmedu. Nyolela ho ombilive wu mu hokololele sho wa thiki nonkalo yoye yopetulilo lyaCatania muSicily. Longitha uuyeleele wa za mokaleshwa katiyali, e to eta po ombilive ombekuli nomadhiladhilo goye mwene.

Uule wombilive yoye nawu kale pokati kiitya **200 – 250**.

**[20]**

**BLANK PAGE**

**BLANK PAGE**

